



Inatsisartunut ilaasortaq Sofia Geisler

§ 37 naapertorlugu Ittoqqortoormiini nannut pillugit apeqquteqaatigineqartunut nr. 364-2019-imut akissut

Ulloq: 20-12-2018
Suliap normua: 2019 - 27068
All. nr.: 12633075

Inatsisartut suleriaasianni § 37, imm. 1 naapertorlugu Ittoqqortoormiini nannut pillugit Naalakkersuisunut apeqquteqarsimavutit. Apeqqutit suliassaqaqfigisannit akineqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

- 1. Ittoqqortoormiit eqqaanni nannut pillugit §37_104/2018-imut akissummini juni 2018 Naalakkersuisut allapput, nannut Ittoqqortoormiut illoqarfiata iluanut appakaattartut eqqarsaatigalugit illuinnarsuutinik kalerrisaarutinik paassaannalinnik qimaatitsiniutitut atuilluni misileraanissaq sulissutigalugu.*
 - Ittoqqortoormiini illoqarfiup iluanut appakaattartut nannut eqqarsaatigalugit illuinnarsiutinik kalerrisaarutinik paassaannalinnik qimaatitsiniutitut atuilluni misileraaneq ingerlanneqarpa?*

Misiliummik aaqqissuussineq § 38_104/2018-imut akissummi taaneqarnikoq aallartinneqareerpoq. Kisiannili kalerrisaarinermit illuinnarsuut Ittoqqortoormiini piniarnermik aalisarnermillu nakkutilliisumit aatsaat tiguneqarpoq august 2019-imi, tassa pilersaarutigineqaraluartut 2018-imiunngitsaq. Tamatumunnga pissutaavoq illuinnarsuut siullermik Nuummut nassiuunneqarsimammatt taamaalereermallu umiarsuaq tulleg nassiuunneqarfianukartussa utaqqisariaqarsimallutigu nioqqutissammi taamaattut timmisartumik angallanneqarsinnaanngimmata.

Tamatuminnga pissuteqartumik misiliummik aaqqissuussinikkut angusarineqartut imaluunniit sunniutaat inaarutaasumik suli nassuiarneqarsinnaanngillat. Taamaattoq maannamuugallartoq kalerrisaarinermit illuinnarsuutip, Ittoqqortoormiuni piniarnermik aalisarnermillu nakkutilliisumit, 19.12.2019-imi APNN-imit attaveqarfigineqartumit, ataasiarluni atorineqarsimasup, pitsaasumik sunniuteqarsimanera oqaatigineqarsinnaavoq.

Aalisarnermut, Piniarnermut Nunalerinermullu Naalakkersuisoqarfiup taamatut nalunaarfigineqarallarsimanini iluaraa misiligummillu aaqqissuussineq taassumalu ingerlaavartumik nalilersuiffigineqarnissaa sulissutigeqqissallugit.

- 2. Misileraaneq ingerlanneqarsimappat, tamanna qanoq malitseqarpa?*

Siusinnerusukkut akissutigineqartut takukkit, takuuk apeqqut 1.

- 3. Misileraaneq ingerlanneqarsimanngippat, tamanna sumik patsiseqarpa?*

Siusinnerusukkut akissutigineqartut takukkit, takuuk apeqqut 1.

4. 4. Nunat allat issittumiittut inoqarfiit iluannut appakaattunik nannunik aamma ajortorsiuteqartut Naalakkersuisunik attaveqarfigineqarsimappat, innuttaasut sillimaniarnikkut illersorneqarnissaat anguniarlugu assigiikannersumik aaqqiissuteqarnissami nassaarnissaq siunertarlugu?

Suliniaqatigiiffimmi Naalagaaffiit Nanoqarfiusut allat tassani ingerlaavartumik suleqatigineqarput. Tamakkua ilagaattaaq 'Aporaafeqartarnermut' suleqatigiissitaq, ajornartorsiutinik tamakkuninngarpiaq qalasarsuup qanittuani suliaqarnissaq siunertarlugu pilersinneqarsimasoq.

Nannut inoqarfinnut qanillattoraluttuinnerinut peqquiti kiisalu qunusaarutaasinnaasut sorliit sunniuteqarnerpaanersut paasiniaarlugit maanna paasissutissanik katersisoqarpoq tunniussuisoqarlunilu. Tamakkua saniatigut periaatsit sorliit pitsaanerunerannik misilittakkat nunanut nanoqarfiusunut allanut tunniussuunneqartarput. Tamakku saniatigut nunani allani aammattaaq uumasut nujuartat inuillu/nunaqarfiillu akornanni aporaaffiusartuni ajornartorsiutaasartut tamakkununga assingusut misissorneqarput.

Siusinnerusukkut maannakkullu APNN-imi sulisuusut, ilaatigut piniarnermik aalisarnermillu nakkutilliisut ilaat nunat tamalaat ataatsimiinnerinut pikkorissartitsinerinullu, inuit nannullu imminnut qanillutik najugaqarfigisaannut, ajornartorsiuteqartarnerinut aamma qunusaarutaasartut sunniuteqarnerulersinniinnerinut tunngasunut, peqataasarput. Taamatutaaq sulisut susasaqartut ataatsimut paasissutissaateqarfiup (SMART) nalunaarutiginnitarnermut pitsaangorsaataasusaaq pillugu, taamaalillunilu immaqa nannut akornusersuinerinut pitsaanerumik iliuuseqarfiginnissinnaanermut, atugaaneranut tunngatillugu ataatsimiinnernut peqataasarput.

Pingaartumik Rusland Canadalu nannunik inoqarfinnut takkuttartunik ajornartorsiuteqarfiupput. Taamaammat nunat tamalaat suleqatigiinneranni tamakku qunusaarinnermut atortunik misilittagaannik atuisinnaavugut. Illuinnarsuutit kalerrisaarutit atorlugit piffissami aalajangersimasumi misiliinissamik aalajangiineq taamaalilluni issittumi nunani allani suleqatigisatsinnit kaammattuutigineqartunik aallaaveqarpoq.

Tassunga atatillugu taaneqartariaqarpoq pisut ilaanni, inatsiseqartitsinermik pissuteqartumik, qunusaaraluni qimaatitsiniutit immikkut ittut pissarsiarineqarsinnaasannimmata aamma/imaluunniit atorneqarsinnaasannimmata. Taamaappoq ilaatigut qunusaaraluni qimaatitsiniutinut ataasiakkaanut, nunani allani nanoqarfiusuni sunniutilimmik atorneqarsinnaasunut tunngatillugu - assersuutigalugu nannunut serpalittaatit, ajoraluartumik Kalaallit Nunaanni atoqqusaanngillat.

5. Taamaassimappat; saaffiginnissuteqarneq angusaqarfiuva?

Siusinnerusukkut akissutigineqartut takukkit, takuuk apeqqut 4.

6. Naamiuppat; innuttaasut sillimaniarnikkut illersorneqarnissaat anguniarlugu assigiikannersumik aaqqiissuteqarnissamik nassaarniarneq siunertarlugu nunat allat issittumiittut, inoqarfiillu iluannut appakaattunik nannunik aamma ajornartorsiuteqartut, Naalakkersuisunit saaffigineqalersaarpat?

Siusinnerusukkut akissutigineqartut takukkit, takuuk apeqqut 4.

7. 2018-imi ulloq mannaluk tikillugu 2019-mi Ittoqqortoormiini illoqarfiup iluanut nannut appakaattut qassiusut nalunaarsorneqarsimava?

Ilaannikkooriarluni takujuminaassinnaasarpog nanoq ilumut illoqarfiup killeqarfiata iluanut appakaannersog. Takuneqakkajuttarput *suli* illoqarfimmut apuutinngitsut appakaatinngin-nerinilumi qimaatinneqarsinnaasarlutittaaq.

2018-imi ataasiaannarluni nannumik illoqarfiup killeqarfiata iluanut appakaattoqarpoq. Ulloq 17-05-2018-imi allatut ajornartumik nanoq toqunneqarpoq, tassami 30-t tikillugit qimaatinniarlugu seqqorfigineqagattaaralarluni soqutigisaqanngimmat Ittoqqortoormiini piniarnermik aalisarnermillu nakkutilliisup tungaanut pangalilermat.

2019-imi Ittoqqortoormiit illoqarfianni marloriarluni nannunik takusoqarsimavoq.

Siulleq pivoq ulloq 15-08-2019-imi unnukut nalunaaqutaq qulit missaanni, innuttaasut arlallit illoqarfiup qeqqani kuup eqqaani nannumik takusaqarsimallutik nalunaarutiginnimmata. Taamaalimmat politeeq piniartumit ikiorneqarluni nannumik qimaatitsiniarpoq. Tamatuma kinguninnguatigut nalunaarutigineqarpoq nanoq Cap Tobinip tungaanut qimaatinneqarsimasog.

Ulloq 08-12-2019-imi ullaakkut Ittoqqortoormiini piniarnermik aalisarnermillu nakkutilliisog qaaqqunekarpoq kuup akuata eqqaani nannumik takusoqarsimammammat. Piniartog ilagalugu nanoq malersulerpaat kalerrisaarinerlutik illuinnarsuummik qoorortuumillu seqqoqattaarlutik. Taamatuttaaq piniarnermik aalisarnermillu nakkutilliisup qamuteralluni nanoq malersulerpaa taamaaliornerminilu annilaarnartumik ajutoorluni, tassami siku nallulermat. Nanoq uteqqissimanngilaq.

Pisartut tamakkua saniatigut piniarnermik aalisarnermillu nakkutilliisog 2018-imi nannunik arfineq pingasunik-qulinik takkuttoqarsimasog oqaluttuarpoq, ullut 20-t missaat qimaatinniarneqarnerinut atorneqarsimallutik. 2019-imi pisut marluk siullini allaaserineqartut saniatigut taamaallaat nanoq ataaseq takuneqarsimavoq, tamannalumi piniarnermik aaliarnermillu nakkutilliisup nuannaarutigaa.

Naggasiullugu erseqqissaatigissavara kikkulluunniit nannumik ajornartorsiuteqalersut imminnut pigisatillu illersorsinnaammattigit nanoq qimaatinniaralugu imaluunniit toqullugu, taamaalillutillu pinerluttulerinerlutik inatsimmi ajornartorsiulernermi illersorniarlutik imaluunniit ajornartorsiulernermi pisinnaatitaaffimminnik atuisinnaatitaaneq pillugu aalajangersakkanik atuisinnaatitaammata.

Inussiarnersumik inuulluaqqusillunga



Jens Immanuel

Aalisarnermut, Piniarnermut Nunalerinermullu Naalakkersuisog